



## AGUISÍN 1 Modh Tuairiscithe

Sa chás go bhfuil údar réasúnta imní a bhaineann le hamhras nó faisnéis faoi dhrochíde i leith linbh tá sé de dhualgas orainn é sin a thuairisciú chuig: Tusla/An Garda Síochána nó Health & Social Care Trust (HSCT) Gateway Team/PSNI chomh luath agus is féidir.

Tá Oifigigh Slánchumhdaithe ar leith, Duine Sainordaithe & Teagmhálaí Ainmnithe agus Leas-Teagmhálaí Ainmnithe, ceaptha ag **An tOireachtas** d'fhonn cuidiú linn agus treoir a thabhairt i gcás líomhaintí a bheith á dtuairisciú chuig na húdaráis chuif. Ní gá do dhuine cabhair ná comhairle a lorg ó Oifigigh Slánchumhdaithe an Oireachtais roimh ré - tá gach ceart acu a gcuid tuairisciú féin a dhéanamh leis na húdaráis chuif más mian leo é.

Glacann an tOireachtas leis gur gá an líon daoine a chaithfear a chur ar an eolas faoi cás ar bith a choinneáil chomh híseal agus is féidir.

## AN GNÁTHCHÓRAS TUAIRISCITHE - TUSLA

- i) Má bhíonn tú buartha faoi leanbh, ach in amhras an sásaíonn d'ímní na dualgais atá orainn i leith tuairisciú chuig Tusla, is féidir teagmháil a dhéanamh le Tusla chun d'ímní a phlé go neamhfhoirmiúil agus comhairle a lorg i dtaca le cinneadh a dhéanamh maidir le tuairisciú.
- ii) Is féidir aon ábhar buartha faoi leanbh agus modhanna tuairiscithe a phlé chomh maith le Oifigigh Slánchumhdaithe an Oireachtais.
- iii) Is féidir leat d'ímní a thuairisciú go pearsanta, thar an nguthán nó i scríbhinn – trí ríomhphost – chuig an tseirbhís áitiúil a bhfuil dualgas maidir le hobair shóisialta orthu sa limistéar ina gcónaíonn an leanbh. Is féidir leat teacht ar shonraí teagmhála fhoirne oibre sóisialta Tusla ar láithreán gréasáin Tusla féin, [www.tusla.ie](http://www.tusla.ie) (nó ag Aguisín A).
- iv) Má bhí an ímní atá ort faoi bhun na tairsí don tuairisciú, d'fhéadfadh Tusla comhairle a thabhairt i dtéarmaí súil a choinneáil ar an leanbh agus eolas a thabhairt faoi sheirbhísí eile a d'fhéadfadh a bheith níos oiriúnaí chun éilimh an linbh agus/nó an teaghlaigh a shásamh.
- v) I gcás éigeandála, nó sa chás nach bhfuil fostaithe de chuid Tusla ar fáil, is cóir tuairisc a chur chuig **An Garda Síochána**. Is féidir é seo a dhéanamh ag aon stáisiún gardaí.
- vi) Tá Oifigigh Slánchumhdaithe an Oireachtais ar fáil chun cabhair agus comhairle a thabhairt nuair atá amhras nó faisnéis faoi dhrochíde á mheas.
- vii) Tá sé ceadaithe ag duine aonarach tuairisc a dhéanamh iad féin le Tusla/Gateway Team gan dul i gcomhairle leis h Oifigigh Slánchumhdaithe roimh ré.

Féach Aguisín 4

## TUAISCEART ÉIREANN

- i) Is féidir teagmháil a dhéanamh leis an Health & Social Care Trust (HSCT) Gateway Team ábhartha mar is iadsan an chéad pointe teagmhála le haghaidh atreorú chuig seirbhísí sóisialta leanaí: <https://www.nidirect.gov.uk/publications/gatewayservice-teams-contact-details> (Aguisín B)

- ii) I gcás éigeandála ba chóir teagmháil a dhéanamh le Police Service of Northern Ireland (PSNI) <https://www.psni.police.uk/contact-us> . Is féidir leo freagairt chosanta éigeandála a dhéanamh má tá duine buartha go bhfuil páiste i mbaol láithreach.
- iii) Tá Oifigigh Slánchumhdaithe an Oireachtais ar fáil chun cabhair agus comhairle a thabhairt nuair atá amhras nó faisnéis faoi dhrochíde á mheas.

## Eolas tábhachtach a bheidh ag teastáil i dtuairisc chuig Tusla nó Gateway Teams (HSCT)

Teastaíonn an oiread eolais agus is féidir ó fhoireann Tusla / Gateway Teams chun cuidiú leo imní réasúnta a mheas. Ba chóir an oiread eolais ábhartha agus is féidir a sholáthar faoin leanbh, faoina gcúinsí baile agus faoi na forais imní. D'fhéadfaí a áireamh leo siúd:

- Ainm, seoladh agus aois an linbh
- Ainmneacha agus seoltaí na dtuismitheoirí nó na gcaomhnóirí
- Sonraí maidir leis an ábhar imní agus cén ábhar imní atá i gceist
- Ainm(neacha), más eol duit, an duine/na ndaoine atá faoi amhras maidir le díobháil a déanamh don leanbh
- Ainmneacha leanaí eile sa teaghlach
- Ainm na scoile ar a bhfreastalaíonn an leanbh
- Sonraí an tuairisceora
- Ba chóir duit an oiread eolais agus is féidir a thabhairt d'oibrithe sóisialta ag céim luath ionas gur féidir leo scrúdú iomlán a dhéanamh ar a gcuid taifead.
- Ba chóir treoir a lorg ó Tusla agus an Gateway Team (HSCT) maidir le tuismitheoirí a chur ar an eolas faoin imní ata á thuairisciú

**I gcás tuairisc aonarach a bhaineann le himeachtaí, nó duine de Chriú an Oireachtais, ba chóir an Teagmhálaí Ainmnithe (DLP) san Oireachtas a chur ar an eolas faoi seo go háirithe sa chás go ndéantar teagmháil díreach le Tusla / Gateway Team**

## ÚDAR REASÚNTA IMNÍ

Ba chóir go dtabharfá eolas do na húdaráis chuí, Tusla nó HSC Trusts/Gateway Team (TÉ) i gcónaí nuair a bhíonn údar réasúnta imní ann go mb'fhéidir go raibh, go bhfuil, nó go mbíonn leanbh nó duine óg i mbaol mí-úsáide nó faillí.

Ba chóir an t-eolas céanna a roinnt, ar bhonn rúnda agus go pras, leis an Duine Sainordaithe/Teagmhálaí Ainmnithe.

### Cad is Údar Réasúnta Imní ann?

- Fianaise, gortú nó iompar mar shampla, ar comhsheasmhach í leis an mí-úsáid agus nach dócha go raibh cúis éigin eile leis ar bhealach ar bith eile.
- Imní ar bith faoi mhí-úsáid fhéideartha.
- Comharthaí comhsheasmhacha go bhfulaingíonn an leanbh le faillí mhothúchánach nó cholanda.
- Leanbh a deir nó a thugann le fios ar bhealach éigin eile go ndearnadh mí-úsáid dóibh.
- Admháil nó tásca le haosach nó le leanbh faoi mhí-úsáid líomhnaithe a rinne siad.
- Cuntas ó dhuine a chonaic an leanbh á mhí-úsáid (Treoir Náisiúnta do Chosaint Leanaí (2017))

## Líomhaintí mí-úsáide nó mí-iompair curtha i leith baill foirne

Sa chás go ndéantar líomhaintí i gcoinne baill foirne nó oibrithe dheonacha leantar dhá nós imeachta éagsúla:

- An nós imeachta tuairiscithe a bhaineann leis an leanbh
- An nós imeachta a bhaineann le ball foirne/oibrí deonach

Tá an nós imeachta maidir le líomhaintí nó mí-iompair a bheadh curtha i leith baill foirne nó oibrithe dheonacha soiléirithe in Aguisín 5